



Universitätsbibliothek Paderborn

**Disputationes|| ROBERTI BELLAR-||MINI E SOCIATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

DE MEMBRIS ECCLE-||SIAE MILITANTIS,|| TRIBVS LIBRIS|| EXPLICATA.||

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

XVI. De Cardinalibus.

[urn:nbn:de:hbz:466:1-53880](https://nbn-resolving.de/urn:nbn:de:hbz:466:1-53880)

na Augustinus Hieronymo maior est, quamvis aliis multis nominibus Augustinus Hieronymo minor sit.

VNDECIMA obiectio; Presbyteri succedunt Apostolis non minus quam Episcopi, ut patet ex Clemente lib.2. constit. cap.32. & Ignatio in epistola ad Smyrnenses: Non igitur sunt Presbyteri Episcopis inferiores.

RESPONDEO, Episcopos & Presbyteros variis modis Patribus comparari, sed semper seruata proportione, & distinctione. Aliquando dicunt Episcopum tenere locum Dei, Presbyterum locum Christi, Diaconum locum Apostolorum. Ita Clemens lib.2. constit. cap.30. & Ignatius in epistola ad Trallianos. Aliquando Episcopo dant locum Christi, Presbyteris locum Apostolorum, Diaconis locum Discipulorum LXXII. Ita Clemens loco citato lib.2. cap.32. & Ignatius ad Smyrnenses. Aliquando Episcopis dant locum Apostolorum, Presbyteris locum LXXII. discipulorum, ut Paulus supra citati.

VODECIMA obiectio; Christus Presbyteros ordinavit in cena, ut Catholici omnes docent: at Episcopos nusquam legitur ordinasse: Non igitur Episcopatus iure diuino est introductus. **R**ESPONDEO, à Christo B. Petrum ordinatum fuisse Episcopum, à B. Perro Iacobum & Ioannem, ab his tribus ceteros Apostolos, ut in lib.1. de summo Pontifice supra ostendimus.

C A P V T XVI.

De Cardinalibus.

DE Cardinalibus Romanæ Ecclesiæ pauca quædam addenda sunt, ut Ioanni Caluino etiam de hoc ordine Clericotum breuiter respondeamus. Dicemus autem PRIMO, de antiquitate, & significatione nominis Cardinalium. SECUNDO, de antiquitate, & varietate officij Cardinalium. TERTIO, de comparatione Cardinalium cum Episcopis: Hæc enim tria Caluinus attingit lib.4. Instit. cap.7. §.30.

Si quis autem plura cognoscere velit, legat ex Theologis Aluarum Pelagium lib.2. de planctu Ecclesiæ, art.16. Aug. finnum.

stimum Triumphum in summa de potestate Ecclesiarum, q. 102.
 Thomam Waldensem lib. 2. doctrinalis fidei, art. 3. cap. 54.
 Ioannem de Turrecremata lib. 1. summæ de Ecclesia, cap. 81.
 82. 83. & 84. S. Antoninum in summa Theologica, 3. parte,
 tit. 21. Ioannem Antonium Delphinum lib. 2. de Ecclesia. Ex
~~CANONISTIS~~, Andream Barbatum in tractat. de præstantia
 Cardinalium ad Beccarionem, Martinum Laudensem in tra-
 ctat. de Cardinalibus, Dominicum Iacobatum li. 1. de Con-
 ciliis, art. 12. & Ioannem Hieronymum Albanum in libro
 de Cardinalibus. Ex HISTORICIS, Onuphriū Panuinum
 in libello de Episcopatibus, Tirulīs, & Diaconiis Cardina-
 lium.

Vt igitur à PRIMO incipiamus, Calvinus loco notato,
 ante Gregorij tempora dicit se non legisse nomen Cardina-
 lium: At in Concilio Romano sub Sylvestro canon. 6. legi-
 mus septem fuisse Diaconos Cardinales in Romana Eccle-
 sia; præcessit autem Sylvester Gregorium annis ferè trecen-
 tis; neque tamen tunc primum cœpit hoc nomen; non enim
 Concilium illud instituit Cardinales, sed solùm iussit ut pre-
 ter Cardinales Diaconos Romanae Ecclesiarum essent etiam
 duo Diaconi ad examen Parceciarum.

Porrò nomen CARDINALIS idem ferè significare vide-
 tur quod Principalis, siue is à quo alij pendent, vt à cardine
 ostia dependere solent: Hinc enim & virtutes Cardinales, &
 venti Cardinales, & puncta cœli Cardinalia dici solent. &
 Augustinus lib. 1. de Baptismo, cap. 6. Primarios Donatistas,
 Cardinales Donatistas appellavit. Cur autem Electores
 Pontificis Cardinales dicantur, nō omnes explicant eodem
 modo.

CALVINVS loco notato docet, hoc nomen tempore S.
 Gregorij proprium fuisse Episcoporum, proinde non recte
 nunc tribui Presbyteris & Diaconis, aut solis Episcopis Ro-
 manæ Curie: Hic titulus, inquit, Gregorij etate in solos Epi-
 scopos competebat, nam quiores meminit Cardinalium, non
 Romanæ Ecclesia, sed aliis quibuslibet eos attribuit, Et in sum-
 manib[us] aliud sit sacerdos Cardinalis, quam Episcopus. Hæc
 ille. At Calvinus in exploratum errorem incidit. nam S. Gre-
 gorius lib. 5. epist. 11. ad Fortunatum Episcopum Neapolita-
 num meminit Diaconorum Cardinalium. & lib. 11. epist. 34.

FFf 2

ad

ad Ioannem Episcopum Syracusanum meminit Presbyterorum Cardinalium. & Ioannes Diaconus lib. 3. vitæ S. Gregorij, cap. 7. enumerat Episcopos, quos S. Gregorius ex Presbyteris Cardinalibus fecerat: Non igitur verum est, idem esse apud Gregorium, Episcopum & Cardinalem.

Leo IX. Pont. Max. in epistola ad Michaëlem, cap. 32. dicit, Clericos Romanæ Ecclesiæ Cardinales vocari, quod summo Pontifici proximè adhærent, qui est veluti cardo totius Ecclesiæ. Nam ut in Cardine ostium vertitur, & regitur, ac sustentatur, sic etiam à summi Pontificis prouidentia, & firmitate tota Ecclesia pendet. Hæc vero explicatio. Et docet, cur Cardinales Romanæ Ecclesiæ dicantur praeceteris, & per Antonomasiam Cardinales, at non explicat cur simpliciter dicantur Cardinales, cum constet etiam alibi esse, & fuisse qui dicerentur Cardinales, ut patet ex Gregorio, locis citatis, lib. 5. epist. II. & lib. II. epist. 34. & ex Concilio Meldensi can. 54.

ONUPHRIUS in libro de Cardinalium titulis existimat, Presbyteros & Diaconos Cardinales dictos esse eos, qui preerant aliis Presbyteris vel Diaconis eiusdem Ecclesiæ, quasi principales Presbyteri, vel Diaconi in illa Ecclesia, erânt enim plutes Presbyteri in eadem Ecclesia, sed Præses tantum dicebatur Cardinalis.

Hæc Onuphrij explicatio non videtur vera; nam in eodem titulo plures erant aliquando Cardinales, ut patet et Synodo S. Gregorij, quæ habetur lib. 4. regist. cap. 88. vbi ponuntur subscriptiones Presbyterorum Cardinalium, & inter eas tres inueniuntur tituli S. Balbinæ, duo S. Damasi, duo S. Sylvestri, duo sanctorum Apostolorum: Non igitur is tantum Cardinalis dicebatur, qui præerat titulo. PRÆTEREA, tempore S. Sylvestri, septem tantum Romæ erant Diaconi Cardinales; nam adhuc recens erat eo tempore Canon XIV. Concilij Neocæsariensis, vbi definitur, in qualibet civitate, quamuis magna, septem tantum debere esse Diaconos, & tamen illi omnes Romæ dicebantur Cardinales, ut patet et Concilio Romano sub Sylvestro can. 6. Non igitur Diaconus Cardinalis erat, qui præerat aliis Diaconis eiusdem Ecclesiæ. ADDE postremò, quod iuxta hanc Onuphrij explicationem, nulla ratio reddi posset, cur dicerentur quidam Episcopi

scopi Cardinales; non enim dici possunt Episcopi Cardinales, quod praesint alius Episcopis sua diocesis, sicut Presbyter Cardinalis, quod praesit Presbyteris sui tituli; nam non sunt in una diocesi plures Episcopi.

Existimo igitur nomen Cardinalis primò impositum esse loco, & à loco derivatum ad personas: Dicebantur enim tituli Cardinales, quædam Ecclesiæ principales, vbi Baptismus conferebatur; & dicebantur Ecclesiæ vel tituli Cardinales, ad differentiam aliorum locorum sanctorum minus principalius: Inde autem Presbyter, qui eam Ecclesiam regebat, dicebatur Presbyter Cardinalis. Pari ratione Diaconi Cardinales erant loca quædam principalia in urbe distincta iuxta numerum regionum, & qui in eis residebant Diaconi, dicebantur Cardinales Diaconi, ab Ecclesia videlicet Cardinali, quam tenebant. Sic etiam postmodum dicti sunt Episcopatus Cardinales, & inde Episcopi Cardinales sex illi, qui ad eligendum Pontificem conueniebant, & eidem Pontifici à consiliis erant præter ceteros orbis Christiani Episcopos.

Quod autem à loco cœperit hoc nomen, cognosci potest ex Concilio Meldensi can. 54. vbi sic legimus, ut titulos Cardinales in urbibus, vel suburbis constitutos Episcopus canonice ordinet, & disponat. Item ex Ioanne Diacono in vita S. Gregorij li. 3. cap. II. vbi sic ait: *Cardinales violenter in Paracisis ordinatos forensibus, in pristinum Cardinem Gregorius renocabat.* Vbi Cardinem vocat Cardinalem titulum sive Ecclesiam. Ac de nomine quidem haec tenus. Si quis autem velit cognoscere nomina, & numerum titulorum, Diaconiarum, & Episcopatum Cardinalium, Onuphrium consulat in libro de Cardinalibus.

Iam de officio, & officijs antiquitate breuiter dicamus. Tria sunt officia Cardinalium: Primum est commune cum Episcopis, Presbyteris & Diaconis ceteris; omnes enim Cardinales, aut Episcopale, aut Presbyterale, aut Diaconale officium habent: Alterum officium est, summum Pontificē eligendi: Postremum eidem Pontifici perpetuò assistere, eumq; in regenda vniuersa Ecclesia consilio, & industria adiuuare. Ex his officiis primū negari nō potest, quin sit antiquissimum. Neq; id negat Caluinus, quin potius hoc solum agnoscat; sic enim scribit loco citato lib. 4. ca. 7. §. 30. *Et sane nihil*

officij tunc habebant, nisi & in doctrina, & sacramentorum administratione Episcopo adessent ac subessent. Hæc ille.

At CALVINVS secum pugnare mihi videtur; nam eodem lib. 4 Instit. cap. 4. §. 2. docet, antiquissimis temporibus eum fuisse usum in Ecclesia, ut Presbyteri eligerent Episcopum, & cum illo ita Ecclesiam communis consilio regerent, ut nihil plus Episcopus haberet in cœtu Presbyterorum, quam Consul in senatu: Presbyteri, inquit, ex suo numero unus eligunt, cui specialiter dabant titulum Episcopi. Et infra: Quæ partes habet Consul in senatu, eas habet Episcopus in Presbyterorum cœtu. Hæc ille. Quod si verum est, certè sequitur, quod nunc Romæ Cardinales faciunt, dum Episcopum ex suo numero eligunt, aut tanquam senatores quidam Ecclesiastici cum eo Ecclesiam regunt, antiquissimum sit, ac proinde omnia tria officia sint antiquissima.

Est autem hoc loco obseruandum; Omnia quidem tria Cardinalium officia esse antiquissima, & ab ipso tempore Apostolorum inchoata, sed tamen non esse æquæ antiquum, ut soli Cardinales duobus officiis posterioribus fungantur: Nam à tempore Apostolorū per multos annos, immò etiam per aliquot secula, quia pauci erant Presbyteri, & Diaconi, omnes simul ad electionē Episcopi, & ad Concilia vocabantur, neq; erat opus tunc distinguere à Cardinalibus nō Cardinales, sicut etiam in aliis Ecclesiis non distinguebantur Canonici à non Canonicis. Quare Cyprianus cùm aliquoties scribat ad Romanum Clerum, non scribit ad solos Cardinales, sed ad omnes Presbyteros & Diaconos Romanæ Ecclesiæ. & similiter illi cum Cypriano respondent, Presbyteri & Diaconi omnes respondent. Vide lib. 2. epistola 7. & lib. 3. epist. 5. & 21.

Deinde autem cùm crevisset multitudo Cleri, vocabantur quidem omnes ad electionem faciendam, sed nō omnes ad Concilia vocabantur, sed aliqui principales, qui Romæ & aliis quibusdam in locis Cardinales dicebantur. Id constat ex Synodo Gregorij lib. 4 registri, cap. 88. Nam solùm Concilio interfuerunt ex Presbyteris XXXIV. & iij Titulares omnes, id est Cardinales. certum autem est, tunc Romæ sunt multò plures Presbyteros, quam XXXIV. Nam si tempore S. Cornelij circa annum Domini CC.L in medio persequectionum,

tionum, regnantibus idololatris, tamen erant Romæ XLVI. Presbyteri, ut ex epistola eiusdem Cornelij refert Eusebius lib. 6. hist. cap. 33. certè multò plures erant tempore S. Gregorij, circa annum Domini DC. quando nullus in urbe erat Paganus. Denique, postremis quingentis annis neque ad Concilia, neque ad electionem admissi sunt omnes Clerici, quod nimis multi essent, sed soli Cardinales, ut supra ostendimus, cum de vocatione Ministrorum ageremus.

Quantum ad TERTIVM, de comparatione Cardinalium cum Episcopis, fusè tractant suprà citati auctores, sed in hoc tamen ferè omnes conueniunt, quòd si consideremus ordinis potestatem, maior sit Episcopus Presbytero, vel Diacono Cardinali. Nam Episcopus ordinat Presbyteros, & confirmat baptizatos, aliaq; id genus facit, quæ Cardinales Presbyteri, vel Diaconi facere non possunt. Qua etiam ratione summus Pontifex Episcopum se vocat, non Cardinalem, & Episcopos omnes appellat venerabiles fratres, Cardinales autem dilectos filios, quomodo vocat etiam Laicos.

Pari ratione si consideremus iurisdictionem in propriam Ecclesiam, id est, Episcopi in suam Diœcesim, & Cardinalis in suum titulum, aut Diaconiam, maior est Episcopus Cardinali Presbytero, vel Diacono: Nam in primis maior est ordinariè Diœcesis Episcopi, quam titulus Cardinalis, ac præterea Episcopus in sua Diœcesi amplissimam habet iurisdictionem tanquam proprius & ordinarius Pastor, ferendi leges, dispensandi, puniendi, indulgendi, &c. At Cardinalis Presbyter & Diaconus, cum in suo titulo sit veluti Parochus Episcopo subiectus, nihil potest, nisi quantum Episcopus ei permiserit.

At si consideremus regimen Ecclesiæ vniuersalis, maior est Cardinalis Presbyter, vel Diaconus Episcopo non Cardinali. Nam Episcopi simplices nunquam adhibentur ad regimen vniuersalis Ecclesiæ, nisi ratissimè, id est, cum ad generale Concilium conuocantur. At Cardinales ferè quotidie præstò sunt Pontifici, neque ullum negotium maioris momenti sine eorum consilio peragitur. Et quia hinc sit, ut Episcopi à Cardinalibus, ut summi Pontificis cooperatoribus, iudicentur, crecentur, deponantur, non autem contra Cardinales ab Episcopis; propterea absolute Cardinalis Episco-

pum non Cardinalem præcedit. atq; hanc rationem ut precepit affert etiam Eugenius Pontifex IV. in epistola ad Archiepiscopum Cantuariensem, quæ exstat apud Dominicum Iacobatium lib. 1. de Conciliis, art. 12. & ante Eugenium S. BERNARDVS lib. 4. de consideratione, de Cardinalibus loquens: *Veniamus, inquit, ad collaterales, & coadiutores tuos, hi seduli tui, hi intimi tui.* Et infra: *An non eligendi de rotulo orbe, orbem iudicaturi?* Et in epist. 188. ad Cardinales scripsit: *Nulli dubium, inquit, quoniam ad eos specialiter spectet tollere scandala de regno Dei, surgentes succidere spinas, sedare querelas.* Et infra: *Agite pro loco quem tenetis, pro dignitate quam possitis, pro potestate quam accepistis, &c.* ubi apertissime agnoscit S. Bernardus maiorem in Cardinalibus, quam in Episcopis potestatem.

Sed occurrit Caluinus loco notato, lib. 4 ca. 7. §. 30. & obicit tria testimonia: *Video, inquit Caluinus, fuisse tunc Episcopis minores, quos nunc longè antecellunt.* Notum est illud Augustini epist. 19. ad Hieronymum, quanquam secundum honorum vocabula, que iam Ecclesia Usus obtinuit, Episcopatus Presbyterio maior sit, tamen in multis rebus Augustinus Hieronymo minor est. Hic certè Romana Ecclesia Presbyterum ab aliis minimè discernit, sed omnes ex aequo postponit Episcopos: idq; eousq; fuit obseruatū, ut in Conclilio Carrthaginensi, cum duo adessent Legati Romanae sedis, unus Episcopus, secundus Presbyter, hic in ultimum locum reiectus fuerit. Verum nemis Vetera prosequamur, exstat Conclitum sub Gregorio habitum Romæ, in quo Presbyteri ultimo loco sedent, & seorsum subscribunt, Diaconi locum nullum in subscriptione habent. Hæc ille.

Sed Augustini testimonium ad rem non facit; non enim negamus Episcopatum Presbyterio maiorem esse, sed dicimus, Presbyterum Cardinalem Episcopo nō Cardinali esse maiorem, non quod Presbyter sit maior Episcopo, sed quod Cardinalis maior sit non Cardinali. Nam alioqui Episcopus Cardinalis Presbyterum Cardinalem, & Presbyter Cardinalis Diaconum Cardinalem semper præcedit.

At, inquit Caluinus, Augustinus non quenuis Presbyterum, sed Hieronymum Presbyterum Romana Ecclesia Episcopo postponit.

RESPON-

RESPONDEO, S. Hieronymum non Romanæ Ecclesiæ, sed Antiochenæ Presbyterum fuisse; id enim ipse testatur in epistola 61 ad Pamphilium, de erroribus Ioannis Hierosolymæ Episcopi; neque repugnat quod ipse aliquando Romæ fuerit, & Damasum Pontificem iuuerit in epistolis scribendis, ut ipse testatur in epist. ad Ageruchiam de Monogamia. Nam etsi Romaæ fuerit, non tamen habuit Romaæ titulum aliquem proprium, sive Ecclesiam regendam, ut Cardinales habent; quocirca cum iam ex Roma rediisset, & in Syria degeret, quando scripsit epistolam ad Pamphilium aduersus Ioannem Hierosolymitanum, non tamen ait, se Romanum, sed Antiochenum Presbyterum fuisse. Et sanè, si potuisset verè dicere, se Romanæ Ecclesiæ Presbyterum Cardinalem esse, vel fuisse, libenter dixisset. Cupiebat enim Ioanni Episcopo Hierosolymæ demonstrare, se Presbyterum fuisse maioris cuiusdam Ecclesiæ, quam Hierosolymitana esset; & proinde se non reliquisse suam Ecclesiam, ut in Ecclesia Hierosolymitana aliquid quereret: Ob id, inquit, & ego Antiochiam, & ille Constantinopolim, Urbes celeberrimas, deseruimus, non vt te in populis prædicantem laudaremus, sed vt in agris & in solitudine adolescentia peccata deflentes, Christi in nos misericordiam deflecteremus. Hæc ille. Cum igitur constet, semper Romanam Ecclesiam Antiochenæ prælatam fuisse, certè S. Hieronymus libenter dixisset, si id verè dicere potuisset, ob id & ego Romanam, & ille Constantinopolim, &c.

Neque etiam testimonium Concilij VI. Carthaginensis
valde est ad rem. Nam etsi in eo Concilio Presbyter Roma-
nus federit post Episcopos, tamen in Concilio Niceno, in
Ephesino, in Chalcedonensi, in VI. VII. & VIII. Synodo
generali, Romani Presbyteri federunt ante Episcopos; sed
quamquam hæc ita se habent, fateor tamen, olim Episco-
pos quoq[ue] prælatos fuisse Cardinalibus non Episco-
pis, immò etiam Cardinalatum gradum fuisse ad Episco-
patum, vt Onuphrius rectè docet in libro de Cardinalibus,
& apertissimè colligitur ex lib. I. cap. 7. vitæ S. Gregorij. Po-
stea tamen mutatus est ordo, & cœpti sunt Cardinales Epi-
scopis anteponi, & Episcopatus gradus esse ad Cardinalatū;
cuius mutationis duplex ratio assignari potest. VNA. quod ad

solos Cardinales deuoluta sit electio sumi Pontificis; Nam quo tempore Pontifices eligeant Imperatores, vel Clerus & populus, non est mirum, si non tanti fierent Cardinales. At posteaquam cœperunt soli ipsi eligere, & etiam soli ipsi, ut plurimum, eligi; non sine causa cœpit dignitas Cardinalitia pluris fieri, quam antea.

A L T E R A causa est, quod soli Cardinales cœperint adesse summo Pontifici in consiliis: Nam antea Cardinales neque soli, neque primarij Consiliarij Pontificis erant. siquidem primis sexcentis, vel octingentis annis, summi Pōtifices ad graviora negotia Ecclesiæ dijudicanda cogebant Concilia nationalia Episcoporum Italiæ, quibus Conciliis intererant quidem Cardinales Presbyteri, sed tamen primus locus Episcoporum erat. Id cognosci potest ex tomis Conciliorum, vbi plurima inueniuntur Concilia Rōmana, sive Lateranenſia, celebrata ab anno Domini CCC. ad DCCC.

Quocirca non erat ratio, cur eo tempore Cardinales Presbyteri Episcopis antreponerentur, cum eo tempore non minus, immo magis Pontificem inuarent in Ecclesia universalis regenda Episcopi, quam Cardinales. At postea cœverunt negotia Ecclesiæ Romanæ, præsertim cum accesserit principatus temporalis, tempore Pipini & Caroli Magni: proinde egebat summus Pontifex Consiliariorum operum multò sapientius, quam antea. Neque poterat tam sapienter concilium vix tertio quoque anno cogi poterant, Pontifex autem quolibet anno sapientius egebat consilio. Itaque usu docente, & necessitate cogente his postremis annis sexcentis vel septingentis cœperunt paulatim omitti Concilia Episcopalia, & res tota redigi ad senatum Cardinalium. Potuisse autem hoc fieri, & recte factum esse, in dubium reuocari non potest; nam non tenetur Pontifex hos potius, quam illos in consilium adhibere.

Deinde, hac ratione multa commoda consequita sunt. **P R I M U M**, quod habeat nunc summus Pontifex senatum in promptu, ita ut possit etiam singulis diebus, si velit, de rebus gravissimis deliberare. **A L T E R U M**, quod hoc fiat sine detrimento Ecclesiarum particularium. Nec enim possent Concilia Episcoporum sapienter cogi sine detimento Ecclesiarum.

rum, quibus absentia Pastorum perniciosa est. TERTIVM,
quod habeat Consiliarios magis instructos, & exercitatos,
cum haec sola & assiduè tractent: facta autem legitimè hac
mutatione Concilij Pontificij ab Episcopis & Cardinalibus
ad solos Cardinales; mirum esse non debet, si etiam facta est
mutatio dignitatum.

Sed placet, ad finem huius loci repugnantiam verborum
Caluini in extrema disputatione cap. 7. lib. 4. Institut. anno-
tare. Nam in vlt. §. miratur Cardinalium amplitudinem:
*Nescio, inquit, qui factum sit, Et ita subito in tantam ampli-
tudinem emerserint.* Et mox infra: *Nunc adeo mutata sors
est, Et facti sint Regum & Cæsarum cognati.* Nec dubium
est, quin *Ena cum suo capite sensim creuerint, donec ad hoc
dignitatis fastigium eueldi fuerunt.* Hæc ille. Qui tamen
continuò subiungit contrarium: *Impleri, inquit, in illis oport-
tuit quod de talibus ait Malachias; Vos recessistis de via, &
offendere fecistis in lege plurimos; propterea ecce ego dedi Vos
contemptibiles & viles omni populo.* At quomodo, quæso,
ista cohærent, ut in summum fastigium amplitudinis cre-
uerint Cardinales, ita ut Regum ac Cæsarum cognati facti
sint, & tamen *contemptibiles ac viles euaserint omni po-
pulo?* Sed de his satis.

C A P V T XVII.

De Chorēpiscopis.

IXIMVS de distinctione & officio Clericorum
eorum, qui etiam hoc tempore locum suum ha-
bent in Ecclesia; nunc addendum visum est ali-
quid de Chorēpiscopis, quorum nomen & offi-
cium olim in usu erat, nunc autem penè interiisse videtur.

Igitur Chorēpiscopi dicebātur olim Presbyteri quidam,
qui in pagis, aut oppidulis curam animarum gerebant loco
Episcoporum, ut nunc ferè Parochi faciunt. Dicebantur
autem Chorēpiscopi, vel, ut Damasus indicat in epistola 3.
quasi villarum Episcopi. nam *χορη* Græcè oppidum ac re-
gionem significat: vel potius, ut Concilium Neocæsariense
canone decimo tertio, & Antiochenum canone 8. docent.
quasi